

1. Մարգարեներն ասացին
 Փրկչի գալստյան մասին,
 Թե՛ շուտով աշխարհ կգա,
 Որ փրկի մարդկանց: (2)
 Հիսուս պիտի կոչվի Նա,
 Քրիստոս պիտի կոչվի Նա,
 Ու կտանի Նա մարդկանց
 Մահից դեպի կյանք: (2)

Ուրախացե՛ք դուք, ո՛վ մարդիկ,
 Հիսուսն է աշխարհ եկել,
 Ուրախացե՛ք դուք, ո՛վ մարդիկ,
 Մեզ համար Փրկիչ է ծնվել:

2. Լուսնկա մի գիշեր էր,
 Երբ ծնվեց Լուսո Որդին,
 Երկնքում աստղ փայլեց,
 Լույս փայլատակեց: (2)
 Հայտնվեց հրեշտակը
 Մի քանի հովիվների.
 «Ավետիս եմ բերում Ձեզ՝
 Հիսուսն է ծնվել»: (2)

3. Աստված մեզ այնպես սիրեց,
 Որ Իր Որդուն ուղարկեց՝
 Որ ազատի մեզ մեղքից,
 Ու փրկի մահից: (2)
 Դե, հիմա եկե՛ք, մարդի՛կ,
 Ցնծացե՛ք, Աստծո որդիք,
 Փառաբանենք մեր Աստծուն՝
 Փրկիչ է ծնվել (2):